

證鄉魚詩集

毓如李鍾豫敬署



證齋詩集卷三

五言絕句

幽州馬客吟歌

雨多溼臺駝水深可奈何去去長城下臺駝不如馬  
 下堂抱馬足送郎大道邊甘瓜落苦蒂不自解纏綿  
 郎有飲馬窟蝦蟆走入月郎有浴馬泉鯉魚飛上天  
 蜂雄蛺蝶雌東西各自樂昨夜郎入門今夜馬生角  
 但願石作鏡照郎馬顏色不願石作塵沒郎馬行跡

子夜四時歌


證齋詩集卷三

蜘蛛語蛺蝶纏綿當夜半暗中不得前天明始相見  
 石井種蓮花不如棄道旁將花來照井顏色兩相當  
 明月落河梁纖纖兩頭直置妾迴波中彎環不可出  
 瀉水置瓶中傾倒懷抱間石魚在山上那解兩心寒  
 題菊竹畫扇

素手掇芳英秋光忽盈路世無陶隱君誰接東籬步  
 舊日西窗下蕭疎修竹生碧雲吹不定葉葉是秋聲

渡江

送客大江東蒲帆十里中朝來有鄉信欲借鯉魚風



對鏡詞

蘭房掩玉臺心怨紅潮冷明月落懷中青鸞自雙影

綠堦怨

長楊喚曉鶯催向玉階行銅輦來時路今年春草生

淮陰曲

石橋何彎彎牽船苦竹裏郎非黃鸝子那得飛渡水

送郎黃河口柁樓日游衍四面安布帆願得郎心轉

囉嘖曲

四面安帆幅南鄉定北鄉黃河凡九曲曲曲是迴腸

證齋詩集

卷三

二

石魚不上水銅烏不轉風琵琶曾暗卜只在九江中

題蘭竹

蘭香兼竹韻葉葉見靈心夢落湘江上春風入楚吟

老將行

傳道龍驤將新開馬弩關軍中歌勅勒哀角滿天山

先舞聞雞客雄心北伐時趙王屯馬地哀動白登詩

笛裏南征曲爭傳袁寄生軍中多蕙苾詔罷伏波營

萬里失江州江潮咽不流秣陵煙月市哀唱白浮鳩

老博通侯印雕弧鐵襖褱輕車三百騎誓逐左賢王

大樹日飄蕭將軍舊度遼漢家蒲類馬新賜霍嫫姚

淶水曲

鷓鴣東西飛迴波吹不起郎愛菖蒲花妾心石蓮子  
打槩銀塘夕河梁落月陰荷花持作鏡暗裏照雙心

估客樂

十步到中門亂髮無復理郎如黃鶴子飛渡越江水  
單舸夾雙櫓大隄日來往輓轡牽銀瓶一落不復上  
阿那環

十萬雲中戍長平有報師佛狸南牧後遺恨失焉支

證嚮齋詩集卷二

三

拜新月

香炷博山溫淚滴方諸冷半鏡落懷中蛾眉自雙影

題游魚畫扇

浮藻碧欲流游魚清可數不覺秋水深空潭夜來雨

題畫菊

黃華結我心奉子好顏色采掇釀醅歡持贈南山側  
閒對西風影分明見折枝落英江上晚獨有楚臣知

證齋詩集卷四

七言絕句

桐鄉蔡鑾揚浣霞

臨江王烏夜啼曲

刺史門前烏啞啞  
大道夜出金根車  
江州兗州郎主家  
後殿踏歌菖蒲花

許三薄船移居靜默寺爲少年舊游地

招客東林舊社空  
入門繫馬綠楊風  
重逢白髮談經坐  
二十年前古寺中

偶成

證齋詩集卷四

天上星河一夕風  
高樓獨自下簾櫳  
閒來遙望東門樹  
家在長安夜雨中

爲姚香南題支遁愛駿圖

香南任湖南同知  
征苗有戰蹟  
寫此以寄雄心

太白揚旂列帳開  
良家六郡起邊才  
伏波親建平蠻策  
銅馬圖從海上來

苜蓿遙從漢節歸  
縱橫三楚合星圍  
醉來欲跨蒼龍脊  
借得空山老衲衣

送同年彭遠峯編修歸蘇州

天涯尊酒慣逢場  
植板敲殘夜月涼  
醉倒玉山人不覺  
阿戎如意總顛狂

天上歸來載酒舟  
琴囊倦倚不知愁  
斜風細雨橫塘路  
一樹垂楊一畫樓

送同年張小軒檢討乞假歸娶

簪花記到曲江時  
同脫青衫拜玉墀  
風絮一天吟客夢  
滿身香露譜宮詞

天上歸來帽影斜  
少年吟鬢彈宮花  
定情別下妝臺鏡  
不是溫家是薛家

證齋詩集卷四

題牡丹畫幀

頻年無計踏香塵  
第一名花見此身  
未免美人遲暮感  
乍開已負洛陽春

天涯莫問綺羅春  
珍重繁華畫裏身  
別後家山花事盡  
當年池館又何人

題畫

客裏年華畫裏身  
可憐同負秣陵春  
六朝金粉飄零甚  
愁煞江南喚渡人

爲沈賓谷題柳西把卷圖

八載滯留正山人不覺

時賓谷投効永定河

門掩江南舊板橋書聲催老柳條條道旁青眼窺人早肯  
向春風便折腰  
瓠子歌成早論功十年孤負地鑪紅知君手挽銀河意只  
在書生面目中  
爲程芝培題知足圖

階前芝草記親栽雲影當門晝不開如水秋心學瓶隱空  
山落木獨歸來

拋得繁華結靜緣好移家去住廉泉空園抱甕渾閒事烏

證齋詩集

卷四

三

帽紅塵已十年

爲錢某題西湖鄉思圖

斜日支篷別浦前同時裙屐小游仙平橋煙草今如夢商  
畧春愁到杜鵑

尊酒生涯寄草堂君家住近小滄浪浮生幾度看花約如  
此湖山尙異鄉

長堤折柳更何年喚上西泠載月船我是江南老桑苧不  
曾料理買山錢

爲陳雨香題放鶴圖

小隱煙霞萬壑松鸞笙一曲度高風前山青斷秋雲夢但  
著仙名白社中

曲簿篝燈記一生綠陰啼老鷓鴣聲買絲要縮同心結都  
取雙功作繭名

雪奴穩護半春寒一束生芻看上山休說仙家如甕爾不  
聞衣被到人間

柘陰吹老一條條百轉柔絲耐短宵人厭流黃機上樣翻  
從海外覓鮫綃

證齋齋詩集卷四

四

題畫

日日長安擊劍行歸來意氣劇縱橫此中恩怨分明甚誰  
似將軍右北平

一尊劇孟論交初老樹荒雲入畫圖夜半忽驚星斗落草  
堂秋雨讀陰符

為黃某

題海闊天空圖

其子為侍衛

曉日神山碧浪開御風天半跨鯨回胸中何止吞雲夢第  
一扶桑駐節來

井榦樓臺百尺中海門春漲起天風乘潮欲種珊瑚樹叱

取神羊作雨工

空濛一碧海雲飛身向中流擊楫歸睡起呼龍拾瑤草夜  
寒星月照春衣

奇才盪決起風雲有子期門早策勳他日挂弓臺上月樓  
船特拜漢將軍

題美人手拈紅豆畫幀

抱得春愁薄似煙翠雲斜壓鬢痕偏當門悔種相思子不  
是東堂記曲年

檢點春衫二月初碧陰深處閉門居背人彈淚緘紅豆寄  
證嚮齋詩集卷四

作芙蓉密字書

題程芝培張姬遺照

步虛搖落佩環聲第一靈修住碧城今日九微燈影隔玉  
釵恩重是前生

天上留仙唱可哀飛瓊小謫御風回後身不照吳宮井曾  
與神君掌籙來

題徐端甫探杏圖

喚酒山村聽雨遲早花紅見出牆時過江問訊春消息吹  
放長安第一枝

為孝釋題小史意蘭畫蘭

酒冷香沉欲暮天過江重結後身緣門前長遍紅心草不似芳臯贈別年

愁謝蘭心見折枝託根爭似在山時何處座上看花客靈瑟秋風是夢思

題譚蘭楣得渡圖

萬里人傳捉麈談迢迢雲水到天南歸來白社迴心地夢入香山海上龕

桑下誰為三宿人香南好證再來因幾年相對維摩室月證嚮齋詩集卷四

上依然是佛身

同上蓮花一葉舟妙明心證海雲秋愛緣覺後君微笑多少迷津在上流

題許玉年湖山一角樓冊

愁拂西風簟竟牀團欒夢影負秋光傷心後夜吳宮月來照梧桐葉上霜

空山聽雨圖為清微道人作

前峯雲影度溪灣夕靄虛無靜掩關深院瑤鈴空自語不知鶴夢帶秋還

日落煙橫古寺深  
遙聞疎磬出空林  
芭蕉自捲秋風葉  
月上清虛是佛心  
長松滴翠雨冥冥  
繡佛堂前夜火青  
小炷爐香簾不捲  
隔花閒寫貝多經

妙證眞如見雨花  
虛庭靜掃碧苔斜  
門前無限江南樹  
幾處秋聲過別家

桃源圖

望夷宮裏草成塵  
留得仙源解避秦  
應笑當年桃葉渡  
飛紅只逐過江人

證嚮齋詩集卷四

七

聽雪

殘竹和煙凍未消  
夢回池館夜蕭蕭  
却疑身倚烏篷立  
重過江南舊板橋

憶梅

迢遞江南驛使回  
爲傳春信早梅開  
遙知昨夜西湖月  
曾照孤山鶴影來

己巳暮秋禱詩

秋風寂寞子雲居  
新策蘭臺盡不如  
行過金商門外路  
那堪重檢皂囊書

時同人試京兆多下第

經堂著錄十年成誰取蕭郎作騎兵不及過江高士社袷

衣皂帽近逃名丹五孝佚同時南下

來往煙波東海門無人解道白衣尊空聞斷酒讐經夜同

舍聲名是邴原孟謀春帆同客天津

全家住近越江邊子弟烏衣舊事傳今日不歸河洛客無

因得似十年前兄子湘巖留滯京師十載矣

昨夜斜河鴈北征空堂聽雨故人情傷心落葉秋風苑都

帶長楊出塞聲雨中鏡帆信宿兩夕

曉仙謠

證齋詩集卷四

神火出井祠五床蒼門庚庚天一光海田龍子喚不起山

上葛仙騎木羊

蝴蝶舞

紅蕤枕冷春雲凍復道湘簾鎖香夢楚宮罷曲珠衣飄落

月冶玫瑰花步搖

題美人折花畫扇

藥欄宛轉不逢春空逐香車陌上塵欲把花光照顏色只

應留待鏡中人

題雪夢圖

翠羽聲中度佩環仙風吹夢下春山隔牀窺破花光冷蛾  
絲無言鬪月彎

山外寒梅雪一叢盈盈步襪怯凌空碧羅偷換春風格便  
合人間喚小紅

香雲如海罷仙游翠袖迴風擲玉鉤修竹當門清不睡一  
行鸞尾掃春愁

青瑣沈沈卧晚霞玉人芳緒鎮無涯調停凍月商量雪怕  
礙詩魂怕損花

林外霜禽話夙盟悄無人處悟三生乘鸞欲化飛仙去喚

證嚮齋詩集

卷四

九

轉香魂笛一聲

畫中絮果夢中身盼盼征帆下碧津和月和煙人載去一  
枝移作秣陵春

塞雁詞

邊城吹角萬山寒海月蘆沙立馬看無限塞雲留不住送  
君清夢到長安

萬里龍庭索寄書寒衣刀尺近何如南中見雁思征客北  
地秋來不可居

長天叫斷黑山秋指點殘星上戍樓今夜故鄉聽不得朔

風殘月似邊州。

別意

此行應及探梅歸，囑咐燈前只暫依。  
黃葉西風程百里，教郎加意著征衣。  
問罷歸期問去期，催行夕照上花枝。  
勸君懊惱歌拋却，正是秋山瘦絕時。

題張雲楣折梅望驛圖

馬上迴風度暗香，年年花發感他鄉。  
無情笛裏驚寒重，搖落榆關一夜霜。

澄嚮齋詩集卷四

十

芳樹飄殘塞上塵，乍來輕負越江春。  
應知別後西園雪，曾折南枝寄遠人。

讀史偶感

秣陵花月入昭陽，盛鬻豐容墜馬妝。  
一樹黃柑修水遞，不

同天寶荔支涼

望恩臺上月黃昏，悔不先頒賜脯恩。  
三府度支錢散早年銅狄奉王孫。

馳道秋風躍馬天，從官劍佩駐平泉。  
君王敕戰黃山苑，夜進兵符甲帳前。

銅斗軍聲一夜寒平陽橋上唱刀環無人表請王涯罪十  
萬旌旗誤入關  
避兵密議駕樓船倉卒中官獻馬年一疏臺臣眞失計詔  
書流涕罷南遷

平陽歌舞醉斜曛閒煞邊關告急文白鴈一聲江左盡年  
年銅鼓哭將軍

送同人出都夜宿逆旅題壁次汪竹素韻

老樹荒塵起暮寒不堪駐馬望長安拂衣便是天涯路多  
恐重來作夢看

證齋詩集卷四

十一

題畫石榴

五月紅榴坼露枝紫房丹實薦新時仙裙莫妬花顏色好  
與移根百子池

題畫扇

亞欄低護玉人家修竹開園一徑斜好鳥踏枝搖不定春  
風吹滿碧桃花

題扇頭畫蘭

一叢寒碧寫花光江上盈盈見楚芳露下靈臯秋色晚美  
人遙睇隔瀟湘

題蔣小榭梅花卷子

耆英舊社感年華，月冷西園曲徑斜。  
林下夢回人不見，只餘紅淚滴寒花。

馬上香回逐暗塵，昨來輕負故園春。  
關山笛裏驚寒重，誰折南枝寄遠人。

與藕舫湘巖夜話

同客關山十載情，空堂罷酒夜愁生。  
不堪聽雨中年後，又帶悲笳出塞聲。

紙鳶

證齋詩集卷四

七

天上留仙唱可哀，飛瓊小謫御風回。  
身輕不是雕陵鵲，愁帶神宮夢雨來。

石頭城曲

絲竹長干宛轉聞，斜門煙柳夢如雲。  
莫愁艇子歸來日，一曲南朝白練裙。

共祈生滿舫夜話

揚子江頭去鴈遲，長安城下暮笳悲。  
霜飛黯黯圍燈夕，木落蕭蕭罷酒時。

鶯啼曲

簾幙輕垂罷曉眠  
聲聲啼過落花前  
夢回春雨江南岸  
門隔鸞橋幾樹煙

文姬歸漢圖

漢使新從左地回  
平明笳吹出輪臺  
燕支山下前朝壘  
何事馮孃錦節來

楊公孝義詩

萊舞春風仰止餘  
問從汾水卜幽居  
南陔一什平生志  
不入人間獨行書

含飴無復視晨昏  
足繭歸來痛寢門  
雪滿征衣行不得  
一

謫嚮齋詩集

卷四

三

聲腸斷杜鵑魂

羅雲峯峻絕攀躋  
慷慨高風足與齊  
一擲千金等閒事  
至今人尚憶關西

清門碩德鎮難忘  
玉樹階前慶更長  
此日黃封遙錫處  
冷泉坊畔祝馨香

清照堂卽席

並序

王郎福兒者擢秀江潭  
采芳洛下臨春風之步障  
擅初日之容光  
身未隸於內坊  
伎先呈于小部  
善才教就親裁桂葉之詞  
姪女妝成宛入蓮花之步

董嬌孌之幻影名贊絃師薛車子之轉喉音同笳  
引爰逞便娟之質屢更游冶之場陟蘭坂以西迴  
沿芝城而東下錦屏齊啓驚彩鳳以何來粉鏡常  
持見金蟬之初試新聲北里總入么絃豔曲南朝  
多翻散序洞房第一綠珠弟子之遺樂府無雙碧  
玉情人之比倚檀槽而入破仍解旋宮促銀柱以  
飛腔偏工減字四座聞而盡靡百觴醉而還傾筵  
前則爭擲紅綃簾畔則回銷絳蠟懽迎楊柳且徵  
本事之詩誤証櫻桃聊補小名之錄傳之逸侶論

證齋詩集卷四

十四

此閒情

窄袖輕衫游冶郎何人催送下河陽教成一曲龍香撥妬  
殺邯鄲呂氏倡

清歌低勸玉交卮初見珠翹趁拍時莫是幔亭仙樂散乘  
風謫下謝英妃

鬢髻新妝約鬢成臉波紅暈酒潮生春風只在芙蓉帳

曲名

即尤工第一消魂是曼聲

樂府新翻側豔詞江南江北總相思恰將水調歌頭恨訴  
與傷春杜牧之

綠酒紅窗燭影搖西陵才子醉春宵史雲驥最知音尊前顧曲休

教誤親向鴟絃辨六么

桿撥西京舊調工晚攜弟子出花叢如何偷按才人譜不

在貞元供奉中

邀醉蘭堂日幾巡水晶簾下笑生春相逢但入回燈宴只

許何哉是舊人

新聲傳唱念家山千里煙波客未還惟有桃花江上水隨

君一夜下西灣郎將之越江

齊安襍詠

盞齋詩集卷四

武昌城下柳條條曾記春風送畫橈一自石城無艇子至

今江水不生潮

半壁江南創霸基傳聞洗劍有荒池寒溪寺裏閒花草曾

見吳王醉舞時

麻姑城在滄州太平寰宇記漢武東巡祀麻姑于此

甲帳珠簾盡日開丹砂游戲隔蓬萊從今不乞麒麟脯別

挈長陵宛若來

海上難招長爪仙薩摩陂外水連天只應日兌餘杭酒醉

閱滄桑五百年

望遠曲

涼州門外月輪孤，城上西風起夜烏。  
落盡龍堆楊柳色，笛聲吹出小單于。

送周大

儀暉

伯恬之山東姚大椿春木之四川

東下齊州西益州，遠山無際碧雲秋。  
路迴日落人何處，獨上長安舊酒樓。

憶長林舊居

雲林醉別十餘年，春盡江南欲暮天。  
流水不知人去遠，白鷗依舊到門前。

證齋詩集

卷四

金吾子

十三夫婿羽林郎，白馬金羈入建章。  
莫奏烏嗥舊時曲，青城門外月如霜。

題柳陰泊舟美人圖

苓林閒駐小江頭，不是長干舊日樓。  
細雨斜風飛絮路，兒家新住木蘭舟。

無題

新試嫦娥小鏡函，玲瓏水唱望江帆。  
相思只有雙紅豆，寄作芙蓉密字緘。

題紅樓便面

半捲流蘇綴碧珠  
茜窗斜月逗模糊  
背人自試芙蓉鏡  
近日春山更瘦無

題登山春曉圖

曲磴鳴泉瀉綠陰  
松花閒與鶴同尋  
不知何處鐘聲曉  
門掩空山古寺深

淡月輕煙湖上山  
翠微深處接西灣  
寒梅舊約春風後  
每到花時客未還

春江曲

證齋詩集

卷四

七

南浦支帆落日斜  
夢回煙雨白門花  
莫愁艇子歸來日  
笑指垂楊是妾家  
斜月珠簾江上樓  
行人新艤木蘭舟  
門外三月桃花水  
直送離心過石頭

題天女散花圖

白社何人悟色空  
飛霞片片落嫣紅  
拈花一笑諸天上  
來禮眞如我率宮

雨花臺上幾經過  
金粟如來慧業多  
不信蓑衣歸社日  
春風只到曼陀羅

題趙承旨畫馬

汗馬功消海上煙王孫圖畫北朝傳  
最憐風雪移中監漢節曾持十九年

嘲春風

複道迴車夜未央五明扇影暗生香  
任教長合歲粧鎖終遣飛花出建章

鄴城曲

星圖遙接許昌城五夜探丸枹鼓鳴  
煙月十陵關左盡殿中符讖屬黃精

證嚮齋詩集卷四

餞春詞

紅淚青衫罷酒時西園寒雨蝶魂知  
歸來春社麈無晚自翦花雲拜楚祠

出塞曲

鼓角都亭建節過軍聲秋下月支多  
灞陵風雨咸陽酒齊唱兜鈴馬上歌

采茶詞

春衫小隊上山時夢斷江南穀雨遲  
一摘苦心誰寄遠教郎親養紫姑祠

漢宮詞

斜牋通表付黃門金鐸長楊夜斷魂夢裏竹宮燈火遠長  
陵宛若別承恩

桃葉曲

春風催上白門遲渡口花魂喚不知別譜謝孃團扇曲一  
家恩怨六朝詞

畫屏風曲

金椎複道隱便門喚進冰壺貯淚痕夢斷綵衣傳火夜紅  
箋字註玉釵恩

證嚮齋詩集

卷四

九

鶯啼曲

水嬉宴罷百花飛複帳春風喚夢歸睡起建章宮院晚內  
家螺黛補金衣

吳宮曲

何處傾脂舊日河田田蓮葉滿滄波五湖秋祭歸來晚零  
落前朝白紵歌

紫燕詞

犀押珠簾上夕暉玉筐舊事不堪聞內家九子釵梁盡門  
外桃花夢紫雲

陌上花歌

東風催上六萌車五斛香螺屬內家腸斷杜秋金縷曲一  
分紅淚在春花

天馬歌

苜蓿秋風出漢關貳師軍吹下天山苑西新進余吾種重  
校龍媒十二閑

寒食謠

誰家油壁記同乘傳燭歸來喚試燈今日蹋歌人去遠下

簾風雨夢西陵

證嚮齋詩集卷四

書天寶遺事後

九華仙帳舊分明小住靈香內錄成腸斷玉環恩怨盡不  
教鸚鵡祝長生

從軍曲

太白星旗萬里遙漢家都護破天驕舊征烏弋西橫海近  
逐匈奴北度遼

題山水便面

日落平臯暮靄沉誰家茅屋接秋林放舟忽覺溪橋漲知  
是前峯夜雨深

戲題牡丹

陌上香車結隊時  
名花開到洛陽遲  
何人管領春風使  
只有尋春杜牧之

讀史八首之二

玉笙吹上絳霄居  
小築青壇唱步虛  
昨夜黃門新拜詔  
西清仙籙署尙書

江上重開北府兵  
殿中傳唱美人箏  
相公封事從容甚  
半載胭脂笈名

盤山道中重九感賦

證鸞齋詩集卷四

三

不夜城頭畫角哀  
九邊燈火下荒臺  
浮生幾載登高酒  
絕頂關山試馬來

題荷花畫頁

芙蓉江上少人過  
月落西灣空夕波  
水鳥飛迴涼榭閉  
不知何處雨聲多

畫船曲

離心滿載木蘭橈  
獨下青溪長板橋  
誰與隔江傳好語  
鯉魚風急不通潮

迎春曲

茶蘼新釀玉交卮日曉紅窗暖未知記得綠梅花下約春  
風先到水仙祠

七夕有寄

南飛鷓鴣起河邊虛負紅闌錦瑟年料得流黃機上月照  
人清影玉臺前

十六夜見月

織雲半捲絳河橫雨歇林梢見月明縱是易拋三五夜秦  
樓猶度玉簫聲

題畫二首

證齋詩集

卷四

三

家住江南煙水村漁榔依約近黃昏垂虹亭長歸何晚草  
閣臨江半掩門

前峯滴翠雨初消西崦人家近板橋忽見柳絲斜刺水一  
溪新漲上魚苗

秋興

疎簾清簟已涼天越客驚心白鴈天最是青楓江上路松  
陵月落未迴船

新秋

晚蟬聲咽碧陰流初試新涼白袷秋疎雨半簾人靜後芭

蕉葉上寫離愁

對月聞隣家笛聲

獨倚闌干玉漏沉疎簾斜捲月痕深誰家更按瓊簫譜零  
亂南樓一夜心

九日聞鴈

朔鴈聲長下戍樓夢回風雨滿城秋分明訴與江南恨一  
夜鐘山古渡頭

新上頭

緩帶菱花百結新鈿蟬初試鏡中春只憐後夜西園裏猶

證嚮齋詩集

卷四

三

有秋千背面人

秋千詞

絡索秋千笑語新當年供奉上陽春善和坊裏重相見猶  
是開元舊技人

畫梅

點額新妝絕世姿暗香林下有人知春風莫便拋詞筆好  
譜孤山放鶴詩

畫松

白雲幽塢舊相期笑指南山松樹枝記得道旁珠絡鼓緩

驅細犢乍歸時

蜀葵

折枝花發對斜曛  
夢裏依稀見絳雲  
一種午闌好顏色  
不應只妒石榴裙

紫薇

夾城日下曲闌遲  
仙掖開簾見折枝  
最是晚來鈴索動  
春風先有近臣知

銅輦春蕪曲閉門  
桂宮拋瑟怨黃昏  
招來鸚鵡傳經夜  
小炷靈香拜佛恩

證嚮齋詩集

卷四

一

題桃花美人

章華輦路暮雲荒  
一樹桃花怨楚芳  
說與春風斑竹恨  
美人清淚灑瀟湘

浣紗詞

浣紗人去碧溪空  
寂寞溪花相映紅  
惟有苧蘿村畔月  
夜來依舊照吳宮

送春詞

三月春風楊柳枝  
行人陌上送春遲  
夢中無限相思樹  
只有鶯聲似舊時

採蓮曲

日斜打槳出迴塘  
菰葉灣頭流水香  
欲把荷花作明鏡  
鏡中各自照紅妝

紫丁香

百結芳心怨落花  
舊時簾幙夕陽斜  
紫雲座上簫聲歇  
愁見春風過別家

衢江竹枝詞

定陽水接信安回  
光遠門前艇子來  
直到三溪相會合  
灤江東下不分開

證嚮齋詩集

卷四

五

雞鳴埕下送人時  
千尺江深知不知  
同上大橋看月色  
月中照出小娥眉

苦竹叢中灣復灣  
下塘船自上塘還  
郎來只隔相思渡  
妾意常愁三疊山

今朝葉阪昨官陂  
潮信東西兩不知  
待得桃花雙水上  
與郎親賽葛王祠

劍津竹枝詞

南村陰雨北村晴  
郎在龍山妾鹿坑  
待到三溪春水合  
閣王祠下賽清明

風波嶺下雨初殘，河上行人去不還。  
三月白魚空上水，寄書不到荔支灣。

少年游

穀衫輕拂六萌車，金勒新迴白鼻騮。  
唱徹石州樓上曲，杜陵春色在誰家。

白燕詞

珠箔瓊鈎下苑開，雙飛明月影徘徊。  
倉琅未解王孫恨，宮曲重翻赤鳳來。

西院桂

證嚮齋詩集卷四

三

欒金堂畔對無眠，黃雪隨風欲化煙。  
半偈蓮花參未了，幾人曾解木犀禪。

憶蝶

蘼蕪山下錦連錢，夢逐飛花欲化煙。  
零落南朝金粉本，玉臺新掩孟家蟬。

臺新掩孟家蟬

沙陽道中

澹煙喬木野人家，橫徇通村細路斜。  
夢裏忽驚時節晚，石航山下落梅花。

沙陽道上見梅花

白沙灘下黃茅屋梅影橫斜水半潭欲與山人唱明月無  
多春色似江南

重過沙陽林氏別業庭中白繡球花盛開

下馬臨軒歌玉樹春風無賴碧山岑從教黃鳥銜飛盡不  
耐繁花亂客心

沈溪道中

候館雞鳴雨未消玉溪東去路迢迢垂楊不縮青驄住零  
亂春風上驛橋

次沈溪第二驛

證嚮齋詩集卷四

七

青印湖頭暮色空郵亭下馬對秋風隔林知有人家在小  
市濃嵐細雨中

證嚮齋詩集卷四

